

詩

經

說

約

詩經說約卷之二十

太倉顧夢麟纂述

常熟楊 葵來訂

思齊大任。文王之母。思媚周姜。京室之婦。大姒嗣徽音。則百斯男。
賦也。思。語辭。齊。莊。靖。愛也。周姜。大王之妃。大姜也。京。周也。大姒。
文王之妃也。徽。美也。百男。舉成數而言其多也。○此詩亦歌文
王之德。而推本言之。曰。此莊敬之大任。乃文王之母。實能媚於
周姜。而稱其為周室之婦。至於大姒。又能繼其美德之音。而子
孫衆多。上有聖母。所以成之者遠。內有賢妃。所以助之者深也。

孔氏定四年左傳曰武王之母弟八人是通武王與伯邑考為
十子也其名則左傳受封周公為太宰康叔為司寇聃季為司
空通武王伯邑考為五人又曰五叔無官則其餘五者皆字叔
又曰曹為伯句非尚年也則曹叔振鐸是康叔聃季之兄也又
管蔡霍為三監蔡與衛爭長明其皆母弟也邠於富娘之言在
蔡霍之間五叔者其曹與管蔡邠霍乎史記管蔡世家云武王
同母兄弟十人母曰太姒文王正妃也其長子曰伯邑考次曰
武王發次曰管叔鮮次曰周公旦次曰蔡叔度次曰曹叔振鐸
次曰邠叔武次曰霍叔處次曰康叔封次曰聃季康其次不

必如此其十子之名當然也。皇甫謐曰：文王取太姒，生伯邑考、武王發、次管仲、鮮次、蔡仲、度次、郕仲、武次、霍仲、處次、周公旦次、曹叔振鐸次、康仲封次、將仲季載。其名與史記皆同，其次則異，不知誰何所據。

呂記李氏曰：觀列女傳載胎教，則文王由太任而成德可知矣。○又曰：太姜之後有太任，太任之後有太姒。此周之所以興也。○朱氏曰：春秋傳曰：管蔡郕霍、魯衛毛聃、鄭雍、曹滕、畢原、堂邠。應一字文之昭也。并伯邑考、武王為十八人。然此特其見於書傳者，亦可以見其多也。

輯錄王氏曰齊者齊道也婦者婦道也

麟按集傳男叶尼心及太姒十子而依富辰說又有毛卻雍滕
畢原豐卣八人則俱武王異母弟也古義錢天錫云百男以喻
其賢不主效言

○惠于宗公神罔時怨神罔時恫刑于寡妻至于兄弟以御于家
邦

賦也惠順也宗公宗廟先公也恫痛也刑儀法也寡妻猶言寡
小君也御迎也○言文王順於先公而鬼神歆之無怨恫者其
儀法內施於閭門而至於兄弟以御于家邦也孔子曰家齊而

后國治。孟子曰：言舉斯心加諸彼而已。張子曰：言接神人各得其道也。

鄭箋：時是也。

嚴緝：無有怨恚而不滿者，無有痛傷而降禍者。

疏義：痛之義與恨相近。○無怨恚，則祖考其安樂之矣。○鄉，近

也。與之相接之意。齊家則與一家之人相接。治國則與一國之

人相接。○孝感於鬼神而教行於家。國皆積盛致然也。此言其

德之所施者如此。

大全。豐城朱氏曰：誠以事神而神無不格。誠以治人而人間不

乎此所謂接神人各得其道也

通解六句兩平惠宗公姑從衆就平日說惠于一句主我感神
言神同二句主神歆我言也家邦即天下意不可分析

一帖刑于三句不重有序重人無不化意

麟按集傳邦叶卜工反古義東韻六帖云此章三句為節秦碑
所自出是也然又以妻弟為隔句用韻之變似不必

○雖難在宮肅肅在廟不顯亦臨無射亦保

賦也雖難和之至也肅肅敬之至也不顯幽隱之處也射與穀
同厥也保守也○言文王在閨門之內則極其和在宗廟之中

則極其敬。雖居幽隱，亦常有臨之者。雖無厭射，亦常有所守焉。其純亦不已，益如是。

大全華谷嚴氏曰：在宮則和在廟則敬，其誠隨所寓而形見也。不顯之處，人所不見，而亦若有所臨。洋洋乎如在上也。無厭之時，踐履已熟，而亦自保守，悠久無間也。

○肆我疾不珍，烈假不瑕，不聞亦式，不諫亦入。

賦也。肆，故令也。我，大也。疾，猶難也。大難如美里之囚，及昆夷之獫狁之屬也。珍，絕烈光假，大瑕過也。此兩句與不珍厥愠不聞厥問相表裏，聞前聞也。式，法也。○承上章言文王之德如此，故其

大難雖不殄絕而光大亦無玷缺。雖事之無所前聞者而亦無不合於法度。雖無諫諍之者而亦未嘗不入於善。傳所謂性與天合是也。

疏義此言德極盛故不因患難而有損。德未盛故不資輔導而有益。不聞亦式者。法由此立。不待學而能不諫亦入者。由仁義行不待矯而正。

大全慶源輔氏曰。此章則標其所遭之實事言之。大難之於是亦定數。雖聖人有所不能免。特處之有道爾。故言其大難雖不能殄絕之而使無。而在我光大之德終無瑕玷焉。此樂天之事。

非聖人不錄也不聞亦式從心所欲不踰矩之事不誅亦入所
謂不思不勉從容中道也文王之德至是則無以復加矣
麟按此下二章集傳俱無韻疏義大全本云此與下章用韻未
詳是也六帖則謂珍玆式入德造教士各通章為一韻而未詳
其說今據此章後二句式入本可相叶但取珍義未諧耳然字
彙別有瑕字都玩反音段石似玉或可假借成章乎魯詩世學
則云瑕吳亦反與入叶亦一說然未著所出故古義不從
○碑成人有德小子有造古之人無斁譽髦斯士
賦也冠以上為成人小子童子也造為也古之人指文王也譽

名龍後也。○承上章言文王之德見於事者如此故一師人材皆得其所成就蓋由其德施而不已故令此士皆有舉於天下而成其俊人之美也。

疏義造訓為猶曰能也。孝弟忠信洒埽應對進退之類無不能之所謂有造也。○舉髦即指有德有造言斯士即指成人小人言。

大全須溪劉氏曰兩章兩肆皆言其效。○孔氏曰言長者道德已成幼者有業學習。○慶源輔氏曰此章則進言其德盛而無殺故天下人才無小無大皆有所觀感而蒙其成就是以令其

為士者得其名譽於天下而成其俊乂之美也。以上三詩皆言
文王之德之盛而皆及於作成人之事。以是觀之則聖人之
德必見於作成一世之人才者。然後為至。在易觀卦曰觀我生
君子无咎。象曰觀我生觀民也。意蓋如此。
麟按魯詩世學造叶七四反。士叶時至反。考字彙頗無據。但古
詩造字本可與署相叶。士字本可與道相叶。則其閒韻脚必非
妄設。

思齊五章二章章六句三章章四句

皇矣上帝臨下有赫監觀四方求民之莫維此二國其政不獲維

彼四國。莫克虞度。上帝耆之。憎其式廓。乃眷西顧。此維與宅。
欽也。皇大臨視也。赫威明也。監亦視也。莫定也。二國。夏商也。不
獲謂失其道也。四國。四方之國也。究。尋度謀也。耆。憎也。式廓。未詳
其義。或曰耆。致也。憎。當作憎。式廓。猶言規模也。此謂岐周之地
也。○此詩敘大王大伯王季之德。以及文王伐密伐崇之事也。
此其首章。先言天之臨下甚明。但求民之安定而已。彼夏商之
政。既不得矣。故求於四方之國。苟上帝之所欲致者。則增大其
疆境之規模。於是乃眷然顧視西土。以此岐周之地。與大王為
居宅也。

通解商非指紂太王蓋當祖甲之時紂尚未生也但此時紂攻
所衰故云然夏帶說

麟按集傳赫叶黑各反復叶胡郭反宅叶達各反通章一韻每
四句一截然是一串意○西土概言岐地指言

○作之屏之其藹其翳脩之平之其灌其刺啓之辟之其極其據
據之制之其縻其柘帝遷明德事災戮路天立厥配受命既固
賦也作拔起也屏去之也藹木立死者也翳自斃者也或曰小
木蒙雲蔽翳者也修平皆治之使疏密正直得宜也灌荒生者
也樹行生者也祿辟焚除也極河柳也似楊赤色生河邊楊櫝

也。腰節似扶老，可為杖者也。揲，別謂穿剔去其繁冗，使成長也。歷山，桑也。與柘皆美材，可為弓輪，又可簾也。明德，謂明德之君，即大王也。串夷，載路未詳。或曰，串夷，即混夷。載路，謂滿路而去。所謂混夷，脫矣者也。配，賢妃也。謂大姜。○此章言大王遷於岐周之事。蓋岐周之地，本皆山林險阻，無人之境，而近於昆夷。太王居之，人物漸盛。然後漸次開闢，如此乃上帝遷此明德之君，使居其地。而昆夷遠遁。天又為之立賢妃以助之，是以受命堅固而卒成王業也。

孔疏釋本云：立死，當斃者。賢，李巡曰：以當死，害生曰斃，斃，死也。

郭璞曰、翳樹蔭翳覆地者也、然則以立元之木、妨他木生長、為木之害、故曰蔕也、自蔕者、生木自倒、枝葉覆地、為蔭翳、故曰翳也、爾雅直云蔕者、傳以其非人蔕之、故曰自蔕、釋木又云、灌木、芫木、李巡曰、木芫生曰灌木、是灌木生、其式云、河柳、謂河傍赤莖小楊也、陸璣疏云、皮正赤如絳、一名雨師、枝葉似松、孫炎曰、橫、腫節、可以作杖、陸璣疏云、節中腫似扶老、今人以為馬鞭及杖、弘農共北山、甚有之、郭璞曰、桑、桑、柘屬、材中為弓、冬官考工記云、弓人取柘為上、桑、桑次之、

嚴緝今曰、為貢、青州厥篚桑絲、注云、桑、桑、桑絲、中琴瑟、

大全本草曰、柘木理有紋、亦可旋為器、○慶源輔氏曰、當斲則
因其无斃而拔去之、灌樹則因其葉列而修治之、樞据凡木則
芟除之、櫟柘美材則櫟剔之、

古義蘇軾云、山桑之絲、惟東萊有之、以之為簪、其堅韌異常、萊
人謂之山繭、柘亦桑類、埤雅云、柘宜山谷、林兆珂云、柘樹高大
如桑、然枝條婀娜、葉大僅如掌耳、周禮季夏取桑柘之火、禮記
枝壺篇、矢以柘若棘、無去其皮、又古史考云、烏號弓以柘枝為
也、蘇書云、柘桑飼蠶、其絲作琴瑟弦、清鳴響亮、勝於凡絲遠矣、
麟按集傳、柘叶紀庶反、柘叶都故反、六帖通章一韻、古義、駢例、

霽韻。据柘路圖。遇韻。然亦四句一截。○花木考云。蘭生山桑。不
浴不飼。居民取之。製為紬。久而不散。亦與子瞻語相發。然此產
自近日始。尚價亦涌貴。鮮真者。

○帝省其山。柞械斯拔。松栢斯允。帝作邦作對。自大伯王季。維此
王季。因心則友。則友其兄。則篤其慶。載錫之光。受祿無喪。奄有四
方。

賦也。拔允。見綿篇。此亦言其山林之間道路通也。對。猶當也。作
對。言擇其可當此國者以君之也。大伯。大王之長子。王季。大王
之少子也。因心。非勉強也。善兄弟曰友。兄。謂大伯也。篤。厚也。則。

也。卷字之義在忽遽之間。○言帝省其山而見其木拔道通則知民之歸之者益衆矣。於是既作之邦又興之賢君以嗣其業。蓋自其初生大伯王季之時而已定矣。於是大伯見王季生文王。又知天命之有在。故適吳不反。大王沒而國傳於王季。及文王而周道大興也。然以大伯而避王季則王季疑於不友。故又特言王季所以友其兄者。乃因其心之自然。而無待於勉強。既受大伯之讓則益修其德以厚周家之慶。而與其兄以讓德之光。猶曰彰其知人之明。不為徒讓耳。其德如是故能受天祿而不失。至於文武而奄有四方也。

大全豐城朱氏曰。王業之成。雖在於武王得天下之時。而天命之定。已見於大伯讓王季之日。泰伯讓焉而無迹。王季受之而無愧。此王業之所由基也。文王創造於前。武王繼續於後。此王業之所由成也。大伯當立而不立。文王可為而不為。故皆謂之至德。非王季之友。無以成泰伯之志。非武王之孝。無以成文王之功。武王之孝。易知也。王季之友。難知也。此同心則友。則友其兄。則篤其親。載錫其光。詩人所以再三歎詠於王季也。六帖觀。因心句。可見聖人但知天命而已。可讓則讓。不邀其名。可受則受。不避其跡。無意無必。忘爾忘我。其於天顯之愛。鞠子

之衷分毫無損。推而論之。堯舜禹之授受。其意亦只如是。○泰
伯之讓。仰體天心。實讓也。使王季以形迹自疑。孫而不居。上遂
天命。中隆先業。下達兄意。此為因心乎。此為不因心乎。惟一心
相與流通無間。故任而不讓。受而不辭。○張叔祖曰。按王季之
友愛其兄者。不拘拘於形迹間。故曰因心。篤慶錫光。正所以成
其因心之愛也。詩人立言有深意。人罕知之。○又曰。此詩三王
各敘一段語。惟此敘王季處。上章接大王說下。與上太相聯。下
章又先揅入文王。以起後二段意。如此則血脉聯貫。不板匝不
突兀。此詩人行文妙處。○王季上承大王。下開文武。雖有其勤

之績。故無事實之可稱。詩人頌述。但稱其德而已。然只如此數語。豈不寂寥。詩人却從大王說到太伯之讓。直說到比於文王。施於孫子。他人枯淡處。他却翻出許多波浪。生出許多關節。如椽之筆也。此等處可以悟作文之法。

麟按總注本言此與下章天命王季則雖自太伯王季一語甚圓。然下即接云維此王季則作對之云。當謂季也。註云蓋自其初生太伯王季之時而已定矣。傳語更圓於經。可以直貫至文王以下。要其意思必有所注。不必搖惑。○集傳友叶羽已反。兄叶屋王反。慶叶扶羊反。喪叶平聲。則本章亦止帝省句無韻而

拔兄對季季友通為一十兄慶光喪方通為一十六帖魯詩世
學並同但維此王季慶不使作轉今據古義止以柞械四句拔
兄對季通叶隊韻兄慶光喪方通叶陽韻維此王季同心則友
則友其兄三句直下為一連不復於友字更立韻脚則雖此章
不可仍執兩句一連四句一截之說而希省三句希作二句維
此三句則友二句受祿二句各自為連既落猶楚楚也蓋同心
則友則友其兄兩句衍文亦只是一句後人不解遂謂同心則
友言其平時則友其兄指其受讓即不知此中何故分析姑抹
去焉可矣○詩傳闡云按古樂錄稱大王寢疾欲傳季歷於是

大伯與虞仲去、被鬻文身、托為王採藥、後聞大王卒、還奔喪、哭
於門、示夷狄之人、不得入王庭、季歷垂涕而留之、終不肯止、適
齊吳、是役季歷作哀慕之歌曰、先王既殂、長實異都、哀喪腹心、
未寫中懷、追念伯仲、我季如何、梧桐萋萋、生于道周、宮館裴仞、
臺閣既陰、何為遠去、使此空虛、支骨離別、垂思南隅、瞻望荆越、
涕淚交流、伯兮仲兮、逝肯來遊、自非二人、誰訴此憂、按此歌蓋
後人擬托、然亦善為王季傳心矣、所云奔喪既畢、不肯止、適於
吳、當是實錄、蓋至德如大伯、必無父沒不奔喪之理、伯既堅意
於讓、必不復踵採藥衡山之故轍、令人得以物色、故知道吳在

奔喪後也。史記乃云：大伯奔荊蠻，自號句吳。荊蠻義之，從而歸之千餘家，立為吳大帥。蓋荊即為吳者，遂滋後人臆附。後漢趙燁云：殷末世衰，中國懷王，數用兵。大伯恐及於荊蠻，起城周三百里，在西北隅，名曰故吳。卒葬於梅里平墟，則又若吳即為荊者。夫荊之距吳遠矣，固若是其無辨乎？焦氏筆乘又云：何謂荊蠻？古者中國亦有夷狄，蠻之處於荊者，或嘗徙於吳。大伯正其所徙之地焉爾。此皆知其一，未知其二也。孔子稱大伯三讓，必有所指。夫適荊適吳，亦云再而已矣。此讓古義亦載，又引魚詩世學堂坊云：史記周本紀謂古公長子大伯，次曰虞仲，大姜生

少子季歷。則大伯乃庶長。而季歷為嫡出也。大伯庶出。則國非
其有。季歷固當立。何以夫子謂之讓。殊不知夏商尚質之世。其
傳惟在立長。而未有嫡庶之辨。至周始定立嫡之法。蓋自大伯
不以長自居。而以嫡推季歷。遂為萬世之準。則夫子據商禮而
稱之也。據此。則雖大伯虞仲。不出大姜。理或有之。若謂商不立
嫡。則紂與微子。本出一母。尚以生微子時。未立為后。大史據法
而爭。終至立紂。豈說非也。亦不可不辨。○追王大王王季。周公
成文武之德。以後事也。大王初沒。而王季為哀慕之辭。即曰先
王既殂。自責破綻。

○維此王季。帝度其心。猶其德音。其德克明。克明克類。克長克君。王此大邦。克順克比。比于文王。其德靡悔。既受帝祉。施于孫子。賦也。度。能度物制義也。猶。春秋傳樂記皆作莫。謂其莫然清靜也。克明。能察是非也。克類。能分善惡也。克長。教誨不倦也。克君。賞慶刑威也。言其賞不僭。故人以為慶。刑不濫。故人以為威也。順。慈和偏服也。比。上下相親也。比于文王。至于也。悔。遺恨也。○言上帝制王季之心。使有尺寸能度義。又清靜其德音。使無非聞之言。是以王季之德。能此六者。至於文王。而其德尤無遺恨。是以既受上帝之福。而延及於子孫也。

巖緝克比。如比卦之比。比于比。及五年之比。

然義是非。以事理言善惡。以人品言克長。能教。克君能治。

大全朱子曰。帝度其心。猶言天誘其衷。

通解。設使不度其心。必有不明。不類等事。不類其德音。必有不

明。不類等譖。惟其先如此。是以能如此。○教誨師長之事。賞罰

人君之權。○克順。是已能慈和。而人無不服。使民畏之也。見比

是已能親下。而下無不親。使民愛之也。

六帖。帝度帝。猶即子貢天縱意。○明類長君。皆本諸身。而末及

微諸庶民也。故又言王此大邦。要見嗣大王岐周之業意。

麟樓此章韻脚轉折頗直○節次則維此王季三句為一連○其德
克明三句為一連○王此以下各二句為一連○不能拘四句一截
之法也○其德從衆作王季之德無妨○取問云世遠則疑於人心
之弗尊○又文王德盛則難於俟後之不惑○故靡悔亦足見王季
耳○但據集傳云○至於文王其德尤無遺憾○而不曰猶無遺憾○故
疏義及大全豐城朱注復有文王繼以極盛○謂之靡悔○則其德
純一無間之說○則尤無之云○自指文王○下以既受帝祉○昭王季
而施于孫子○兼昭文王以下○固無不可也○譬如前受命既固○及
受祿無喪○奄有四才○煮而稍衍長之○至四句耳○然曰比子曰靡

悔則意亦自顧。王季不為無端。以為其德是王季之德者。恐終後儒之見。而熒陽無是也。○教誨不倦。曰長。賞慶刑威。曰君。慈和。編服。曰順。三句俱本左氏傳。

○帝謂文王。無然畔援。無然歆羨。誕先登于岸。密人不恭。敢距大邦。侵阮徂共。王赫斯怒。爰整其旅。以按徂旅。以篤周祜。以對于天。下。

賦也。帝謂文王。設為天命文王之詞。如下所言也。無然。猶言不可如此也。畔。離畔也。援。攀援也。言舍此而聽彼也。歆。欲之動也。羨。愛慕也。言肆情以徇物也。岸。道之極至處也。密。密須氏也。結

姓之國在今寧州。阮國名在今涇州。徂往也。共阮國之地名。今
涇州之共池是也。其旅周師也。按過也。徂旅密師之往共者也。
祐福對答也。○人心有所畔援有所歆羨則溺於人欲之流而
不能以自濟。文王無是二者。故獨能先知先覺。以造道之極。至
蓋天實命之。而非人力之所及也。是以密人不恭。敢違其命。而
檀典師旅以侵阮。而往至於共。則赫怒整兵而往。遏其衆。以厚
周家之福。而答天下之心。蓋亦因其可怒而怒之。初未嘗有所
畔援歆羨也。此文王征伐之始也。

大全朱子曰。天豈諄諄然命之。只是文王要恁地。便是理合恁

地便是天命之也。○華谷嚴氏曰：天不言，以意謂之也。必謂之
帝謂者，言文王之心，天實知之也。○寧州涇州，即今平涼府靜
寧州涇州。雖隸陝西。○廬陵彭氏曰：無畔援，則中正而不溺於
私。無歆羨，則剛大而不溺於欲。故能達道之極也。○慶源輔氏
曰：人心一有畔援歆羨，則流於私欲。凡所云為，必不能先知先
覺。又焉能有所濟乎？況於用兵行師之際，情欲易縱之時，而二
病不去，幾何而不流於窮蹙也哉？故此章特言文王之征伐，而
先言文王之無此病也。誠先登于岸，以涉水為譬也。○臨川王
氏曰：有所畔援歆羨，不得其欲而怒，則其怒也私而已。文王之

怒是乃與民同怒而異乎人之私怒也。○朱子曰此詩稱文王德處是從無然畔援歡美上說起後面却說不識不知順帝之則見得文王先有簡工夫此心無一毫之私故見於伐崇伐密皆是道理合著恁地

通解金履祥曰畔援兩字相反歡美兩字只是一意但歡美義深

說通此章以下皆文王之武功而冠以心體語者聖人之事功即聖人之心體也○

古義地理志云安定郡陰密縣詩密人國括地志云陰密城

在鵠陂縣西、其東接縣城、按鵠陂故城、在今平涼府涇州靈臺縣西五十里、與邠州西界相接、蓋亦戎翟間之國、隋取文王伐密而民始附之意、以靈臺名縣、大邦與上章大邦同、敢逆大邦、謂不遵方伯之約束、此密人不恭之實、即下文侵阮是也、侵說文云、漸進也、左傳云、凡師有鍾鼓曰伐、無曰侵、胡安國云、潛師掠境曰侵、又穀梁傳云、苞人民毆牛馬曰侵、季云、阮在密之南、界亦近邠之國、按說文云、下也、廣韻云、抑止也、徂、即王文徂共之徂、季云、殷政不綱、故諸侯放恣、而密人敢侵小國、然文王已為西伯、則其所專征之地也、於是整我之旅、以遏密人徂共之

旅。整旅之旅。文王之旅也。徂旅之旅。寇人之旅也。周自大王王季積累以來。獲福舊矣。今文王能過寡以安民。則帝遷之命至是而益。華帝祉之受。至是而益固。故曰以篤周祜。孔云。以天下心皆向已。舉兵所以答之。殷云。天下之望在同。所救者一既而為亂者懼。小國皆安。故天下之心以慰也。

麟按此章。當帝謂文王四句為一截。密人不恭三句為一截。王赫斯怒五句為一截。皆以頓作轉折也。下集傳十後五反。以篤周祜。注疏子由詩集傳。呂詩記。嚴詩緝。張義大全。古義俱作以篤于同祜。獨孟子。歐陽本義。豐氏魯詩世學。與朱集傳同。

○依其在京。侵自阮疆。陟我高岡。無矢我陵。我陵我阿。無飲我泉。
我泉我池。度其鮮原。居岐之陽。在渭之將。萬邦之方。下民之王。
賦也。依安晚京。周京也。矢。陳鮮善將側方。卿也。○言文王案然
在周之京。而所整之兵。既遇密人。遂從阮疆而出。以侵密。所陟
之岡。即為我岡。而人無敢陳兵於陵。飲水於泉。以拒我也。於是
相其高原而徙都焉。所謂程邑也。其地於漢為扶風安陵。今在
京地府咸陽縣。

孔疏周書稱文王在程。作程寤程典。皇甫謐云。文王徙宅於程。
蓋謂此也。知此非壘者。以此居岐之陽。豈則岐之東南三百里。

年

疏義文王居程邑凡三年

大全華谷嚴氏曰。侵自阮疆。謂自阮疆而侵密。猶春秋書公至自晉。密既接境也。○安成劉氏曰。春秋書法。潛師掠境曰侵。聲罪致討曰伐。此詩於密言侵。於崇言伐。固非如春秋書法例。然其師既按徂共之衆。則密人逃歸矣。故周師既出阮疆而遂侵之。蓋亦出其不意而謂之侵也。○華谷嚴氏曰。大玉以西伯討密之罪。豈有一毫畔援之私耶。阮不幸而與密為鄰。幸而遇大玉為伯也。伐崇有訊誠伐肆之事。而伐密不言者。是師次其境。

而密人即服不待戰也。○慶源輔氏曰：文王之兵侵密，乃遽曰：我陵我阿，我泉我池，無敢陳其兵飲其水者。辭直理正，威靈氣鼓，莫有敵者。所謂帝王之道，出萬全者也。程邑在岐山之南，渭水之側，為萬邦之所趨向，下民之所趨往。○華谷嚴氏曰：文王用心廣大，威德暢合，歸者益衆，非舊邑所能容故也。○新安胡氏曰：度其鮮原以下，即上章以篤周祜，以對天下之實事也。其字措密而言。○孔氏曰：程邑在岐山之陽，是去舊都不遠也。○安成劉氏曰：文王伐密之後而作程邑，亦猶伐崇之後而作豐邑，方其伐之，討服而已，固未嘗先有作邑之心也。自常情觀之，

必謂貪其土地矣。詩人知其心之無私，故言伐秦伐崇之事，皆先以帝命發之。○咸陽，即今西安府咸陽縣，隸陝西。
通解此侵字，對上章按字看。按是彼入其地而我出之，侵是入彼之地而侵之。阿乃大陵，池以受泉。

六帖：依字就心上說，與不震不動同意。○經文本只言無矢我陵，我阿無飲我泉。我池下句，我陵我泉字，疊言成文也。
麟按集傳：京叶居良反，池叶徒何反，依其在京三句為一截。無矢我陵四句為一截。度其鮮原五句為一截，亦皆以韻轉折。步我就我說，無矢無飲就彼說，故陟我可連侵自也。○無矢我陵。

我陵我阿。無飲我泉。我泉我池。句法亦與因心則友則友其兄。
一例。○罔即我罔亦說詩者如此耳。連下六我字俱不必着相。
○帝謂文王。予懷明德。不大聲以色。不長夏以革。不識不知。順帝
之則。帝謂文王。詢爾仇方。同爾兄弟。以爾鈞援。與爾臨衝。以伐崇
墉。

賦也。予設為上帝之自稱也。懷。眷念也。明德。文王之明德也。以。
猶與也。夏。革。未詳。則。法也。仇。方。讎國也。兄弟。與國也。鈞。援。鈞。梯。
也。所以鈞引上城。所謂雲梯者也。臨。車也。在上臨下者也。衝。
車也。從旁衝突者也。皆攻城之具也。崇。國名。在今京兆府鄠。

縣、墉、城也。宋記崇侯虎譖西伯於紂。紂囚西伯於羑里。西伯之
臣聞天之徒求美女奇物善馬以獻紂。紂乃赦西伯。賜之弓矢。
鈇鉞得專征伐。曰譖西伯者崇侯虎也。西伯歸。三年伐崇侯虎。
而作瑩邑。○言上帝眷念文王。而言其德之深微。不暴著其形
迹。又能不作聰明。以循天理。故又命之以伐崇也。呂氏曰。此言
文王德不形而功無迹。與天同體而已。雖興兵以伐崇。莫非順
帝之則。而非我也。

毛傳革更也。

歐義我懷爾明德深遠。不外為聲形。不大為變革。

蘇傳大聲以色外為之而內無有也。長夏以革為之於窮約而忘之於盛大也。文王之德不以識識不以智知。漠然無心而與天為徒。故無內外之異。無窮達之變。此天之所以應之也。凡言帝謂文王以意推天也。

呂記聲以色。謂聲音與笑貌也。夏以革。謂侈大與變革也。不大聲以色。則不事外飾矣。不長夏以革。則不縱私意矣。此明德之實也。

嚴緝文王有四不。孔子有四毋。○天理之自然謂之則。即有物有則。乃見天則。謂理之不可踰也。文王無一毫人偽之私。油然而

天順安行乎天理之自然。所謂順者由仁義行。非行仁義也。疏義既有渾然之德。又順自然之理。此文王所以為文王也。○
詢問也。謂與師問罪。

增釋金履祥曰。不大聲以色。則是不言而信。不動而化。不長夏以革。凡事不自高。不自大。不輕改作。皆不為己甚之意。不識不知。全不用其私智。

大全廬陵彭氏曰。以諸侯之國為兄弟。亦未嘗稱王一路。○郭縣。即今西安府鄠縣。亦隸陝西。郭音戶。

通解不大不長。詩人之活辭。非謂猶有極色。夏革。但不大不長。

之而已也。中庸是斷章取義。不可援以為說。

六帖警方句。要看得大。文王之仇。天下之仇也。故興師動衆。為不得已。○叔翹曰。謂崇為仇方者。虎倡紂為不道。肆行暴亂。不遵方伯約束。是與我為仇敵也。註引史記語。似只以譖西伯之事。目為警國。如此。則文王之師。乃為復仇報怨之舉矣。且崇侯若無他罪。但以其譖已。故警而伐之。恐紂亦不能容也。又按我圖榮魯仲連曰。九侯。郭侯。文王。紂之三公也。九侯有子而好獻之於紂。紂以為惡。醢九侯。郭侯爭之強。辨之疾。故脯郭侯。文王聞之。喟然而嘆。故拘之羑里之庫。百日。韓非子曰。以智說愚。必

不聽。故文王說紂而紂囚之。淮南子曰：文王砥德修政，天下二
垂歸之。紂聞而患之，曰：「怨伐余一人，乃拘文王、姜里，皆不及崇
侯之譖。」左傳謂文王因崇亂而伐之，亦不言譖文王而見伐也。
崇侯譖西伯，獨見史記周紀。豈亦以詩有伐崇之事，而傳會其
說耶？○兩帝謂文王之語，是謂伐密伐崇。張本：文王伐密，非有
欲心，所以行之者，乃事理之至極也。其伐崇也，非張其聲威，
欲所以處之者，皆天理之自然也。嗚呼！非周公言之，孰知文王
奉天不得已之心乎？

古義陳祥道云：臨車高，衝車大。高則可以臨下，大則可以突前。

麟按此章上下各六句為一截。然上一截各二句為一連。下第
援非韻。當帝謂文王詢爾仇方為一連。同爾三句疊舉之辭。直
至以伐崇墉為一連也。古義上一截職韻。下一截陽韻。

○臨衝閑閑崇墉言言執訊連連攸戢安安是類是禡是致是附
四方以無侮臨衝第第崇墉仡仡是伐是肆是絕是忽四方以無
拂

賦也。閑閑徐緩也。言言高大也。連連屬續狀。誠割耳也。軍法獲
者不服則殺而獻其左耳。安安不輕暴也。類將出師祭上帝也。
禡至所征之地而祭始造軍法者。謂黃帝及蚩尤也。致致其至

也。附使之來附也。第第強盛貌。伉伉堅壯貌。肆縱兵也。忽滅拂戾也。春秋傳曰。文王伐崇。三旬不降。退修教而復伐之。因壘而降。○言文王伐崇之初。緩功徐戰。告祀羣神。以致附來者。而四方無不畏服。及終不服。則縱兵以滅之。而四方無不順從也。夫始攻之緩。戰之徐也。非力不足也。非示之弱也。將以致附而全之也。及其終不下而肆之也。則天誅不可以留。而罪人不可以不得故也。此所謂文王之師也。

釋文。馘字又作賊。字林。截耳則作耳旁。獻首則作首旁。蘇傳。天子將出征。類於上帝。宜於社。造於廟。禡於所征之地。

呂記孔氏曰、尚書夏侯歐陽說、以事類祭之、在南方、就南郊祭之、肆師注曰、類、禮依郊祀而為之。○程氏曰、古者類禘、所以暴明其罪、告之神明、伐而告之神明、其伐合神明之道也、疏義獻其左耳、以其無聞也、

輯錄玉藻云、聽鄉任左、鄉、向同、孔氏曰、罪其不聽命服罪、故取其耳以計功也。○因墨而降、句見左傳、言不增兵、但因其舊兵、而崇自服。○解頤曰、開開然徐緩、設之而不用也、言言然高大、縱之而未攻也、連連相續而不絕也、安安詳審而不暴也、伐以聲其罪、肆以奮其力、施以珍其祀、惠以滅其國、

大全考索曰漢書稱高祖祠黃帝蚩尤於沛庭管仲稱蚩尤作
劔戟史記稱黃帝與蚩尤戰於阪泉○慶源輔氏曰是致是附
仁也是就是忽義也仁以附之天下畏之而不敢侮仁之至也
義以絕之天下從之而不敢拂義之至也○非文王與天同德者
其孰能之○三山李氏曰文王所伐者崇耳而四方之國無不
服從以文王之伐當其罪故也○
古義爾雅云是類是禡師祭也類者類於上帝字本作禡禡者
禡於所征之地禡者云馬上祭也楊慎云馬上祭曰禡其字从
馬猶車下祭曰禡其字从車也按鄭氏於王制注謂禡祭禮也

而於周禮肆師注。又云。祭造軍法者。其神蓋蚩尤。或曰黃帝。季
本不然。其蚩尤之說。謂黃帝聖人也。蚩尤敢與黃帝拒戰。逆臣
也。何得與於祭。此其理亦正。然上古之事。荒忽莫能明也。
麟按。此章上七句為一截。下五句為一截。然上截以臨衝開闢
二句一連。執訊連連二句一連。是類是禡三句一連。下截臨衝
第。第二句一連。是伐是肆三句一連也。集傳。楊叶。猗。補。及。拂。叶
分章反。

皇矣八章章十二句。

一章二章言天命大王。三章四章言天命王季。五章六章

言天命文王伐紂。七章八章言天命文王伐崇。

講意通詩皆重天命說。觀本文章章有帝命等字。故朱子於總注各以天命言之也。每二章作一類。以第二章詳其事。以足其意。

經始靈臺。經之營之。庶民攻之。不日成之。經始勿亟。庶民子來。賦也。經度也。靈臺。文王所作。謂之靈者。言其倏然而成。如神靈之所為也。營。表攻作也。不日。不終日也。亟。急也。○國之有臺。所以望氛祲。察災祥。時親游。節勞佚也。文王之臺。方其經度。營表之際。而庶民已來作之。所以不終日而成也。雖文王心恐煩民。

戒今勿亟而民心樂之。如子越父事。不召自來也。孟子曰。文王以民力為臺為沼。而民歡樂之。謂其臺曰靈臺。謂其沼曰靈沼。此之謂也。

孔疏營表。謂以繩度立表。以定其位處也。經理而量度。初始為靈臺之基址。既度其處。乃經理之。營表之。

呂記長樂劉氏曰。經。謂制其廣狹。營。謂定其基址。嚴緝荀句。經度而始為之。言初建也。

疏義營表之表。平聲。即標識也。謂標其位置。○攻之成之。即是子來之事。

輯錄解問曰、望氣祿察災祥、憂民之憂也、時觀將節勞佚、樂民之樂也、

大全毛氏曰、四方而高曰臺、○安成劉氏曰、文王之臺、其名如此、豈至周有天下、遂以為天子之臺、而諸侯別名觀臺也歟、○東萊呂氏曰、作臺主於望氣、祿觀民俗、以察禾人之意、因以藏滄精神、宣節勞佚、蓋一弛一張、無非事也、○安成劉氏曰、韻津、氣祥氣祿、妖氣、蓋察災祥、則於此望氣、節勞佚、則於此避觀、皆取其高明也、○南軒張氏曰、文王則勿亟、庶民則子來、君民之相與如此、

古義閣中記云。靈臺在長安西北四十里。三輔故事云。在豐水北。經靈臺西。文王又引水為辟廱。靈沼。括地志云。今悉無復處。所惟靈臺孤立。臺基猶高二丈。周回一百二十步。五經通義云。靈臺在於野中國之南附近。辟廱積土增崇。其高九仞。極陽之數。上平無屋。望氣顯著。

麟按三輔黃圖又云。靈臺高二十丈。周四百二十步。○營與成叶。亟與來叶。來集傳亦六直反。

○王在靈囿。鹿鹿攸伏。鹿鹿濯濯。白鳥鵲鵲。王在靈沼。於物魚躍。賦也。靈囿。臺之下有囿。所以城養禽獸也。鹿。牝鹿也。伏。言安其

所處不驚擾也。濯濯肥澤貌。驚驚潔白貌。重沼。圓之中有沼也。物滿也。魚滿而躍。言多而得其所也。

嚴緝補傳曰。凡詩謂文王為王者。皆不作於文王之時。

講意詩述民樂。而曰王在者。是後來借已之稱。以為時人之語。

麟按此章一韻。然當各兩句一連。上四句一截。下二句一截。濯與驚為一類。則不必并入收伏內也。

○虞業維樅。賁鼓維鏞。於論鼓鐘。於樂辟廱。

賦也。虞。植木以懸鐘磬。其橫者曰栒。業。栒上大版。刻之。模業如鋸齒者也。樅。業上懸鐘磬處。以綠色為棠牙。其狀樅樅然者也。

賁大鼓也。長八尺，鼓四尺。中國加三之一。鋪大鐘也。論，倫也。言得其倫理也。辟，璧通靡，澤也。辟靡，天子之學大射行禮之處也。水旋如璧，以節觀者，故曰辟靡。

呂記樂記曰：論，倫無患，樂之情也。鄭氏以論為倫，蓋本諸此。嚴緝書無相奪倫。

疏義：倫理，條理，聲音叢如，無相奪倫。

大全孔氏曰：兩端有植木，其上有橫木，謂直立者為虞，謂橫牽者為枸。枸上加大版，刻版如鋸齒為飾，其懸鐘磬之處，又以采色為大牙，其狀隆然，謂之崇牙，擬即崇牙之貌，擬擬然也。○段

氏曰鐘虞飾以贏屬磬虞飾以羽屬器異異虞故也鐘磬之筭皆飾以鱗屬其文若竹之有筍然筍兩端又有壁翼鄭氏謂載壁垂羽是也蓋奠虞所以架鐘磬崇牙壁翼所以飾筭虞夏后氏飾以龍而無崇牙商飾以崇牙而無壁翼至周則極文而二者具矣此有磬所以言設業設虞崇牙樹羽也○安成劉氏曰賁鼓身高八尺而其鼓之面皮所冒者徑四尺也中國者謂鼓腹也鼓面徑四尺則其圍十二尺鼓腹之圍加以三之一則其圍十六尺而徑五尺三寸三分寸之一也○黃氏曰樂之不能已而言之不能盡故曰於論於樂於歎辭也○孔氏曰壁體圓

而內有孔、此水亦圓、而內有地、猶壁然、以水繞丘、所以節約觀者、令在外觀也。○朱子曰、振鸞之詩曰、于彼西雍、說者以廡為澤、蓋即旋丘之水、而其學、即所謂澤宮也、孟子所謂序者射也、則學蓋有以射為主者矣、蘇氏引莊周言文王有辟雍之樂、則是又以為習樂之所也、張子亦曰、辟雍古無此名、其制蓋始於此、及周有天下、遂以名天子之學、而諸侯不得立焉。○華谷嚴氏曰、三章四章皆述辟雍作樂之事、文王既遊圃、召遂於辟雍作樂也。○安成劉氏曰、古之教者、固不廢樂、而大射之禮亦先用樂、作樂於辟雍、無可疑者、此後兩章自說辟雍作樂之事、前

兩章自說遊觀靈臺之事也

古義考工記梓人為筍、虞、天下之大獸五。脂者膏者，以為腔。羸者，羽者，鱗者，以為筍、虞。厚脣、弇口、出目、短耳、大胸、曜後、大體、短脰。若是者，謂之羸屬，常有力而不能走，則於任重宜。大聲而宏，則於鍾宜。若是者，以為鍾虞。是故擊其所縣，而由其虞鳴，銳喙、決吻、數目、顧脰、小體、審腹。若是者，謂之羽屬，常無力而輕，其聲清揚而遠聞，無力而輕，則於任輕宜。其聲清揚而遠聞，則於磬宜。若是者，以為磬虞。故擊其所縣，而由其虞鳴。小首而長，搏身而鴻。若是者，鱗屬，以為筍。自孫炎郭璞據此文，以虞為懸鐘。

磬之用俗說相因、皆謂此但懸編鐘、編磬之類耳、豈知編鐘、編磬乃樂之小者、若下文責鼓維鏞、各自有虞、此詩二句連言、故知所指者乃責鏞之虞、亦舉大以該小也、何以明之、明堂位云、夏后氏之足鼓、股楹鼓、同縣鼓、此三鼓即建鼓也、建鼓乃少昊氏所作之大鼓、夏加四足、故以足名、股人柱貫之、故以楹名、同人縣之、故以縣名、是則周大鼓用縣之明據矣、故劉熙釋名云、所以懸鼓者、橫曰簨、簨、峻也、在上高峻也、從曰虞、虞、舉也、在旁舉虞也、又廣韻云、飛虞、天上神獸、厥頭龍身、凡鐘之拊、飾為此獸、故謂之虞、陳祥道云、十二辰之鐘、以應十二月之律、十二辰

之鍾、大鍾也。大鍾特懸。詩書爾雅所謂鏜是也。非十二辰之鍾。則編焉。周禮所謂編鍾是也。管子霸形篇云。桓公起行筍虞之間。管子從至大鍾之西。大鍾鳴。是又大鍾用縣之明據矣。然則考工記所云。鍾虞磬虞者。何居。愚意大鍾大鼓之虞。皆任重之類。當用鍾虞。編鍾編磬之虞。皆任輕之類。當用磬虞。於鍾虞不言大鼓。於磬虞不言編鍾者。互見之也。又按甯子云。大禹銘於筍虞。教寡人以道者擊鼓。以義者擊鍾。是又非鍾鼓有虞之證。考爾雅云。大版謂之業。說文云。筍虞大版也。所以飾縣鍾鼓。提業如錙。齒以白畫之。象其鉏耨相承也。貢通作鼓。說文云。大鼓

也。爾雅云：大鼓謂之鼓，小者謂之應。鎛，記文云：大鐘也。爾雅云：大鐘謂之鎛，其中謂之剽，小者謂之棧。孫鑣云：東漢左辟廡右靈臺，正是法周，蓋二地相近。

麟按：朱集傳：虞植木以懸鐘磬。鄭箋：懸鐘鼓。諸家從之。頗相抵牾。得上玄子先生說而始辨。又靈臺辟廡，每云相近，尤是絃線表準正論，故可不讀。

○於論鼓鐘於樂辟廡，鼙鼓達達，矇腹奏公。賦也。鼙以蜥蜴長丈餘，皮可冒鼓達達和也。有眸子而無見曰矇。無眸子曰瞶。古者樂師皆以瞶者為之，以其善聽而審於音。

也。公事也。聞鼙鼓之聲而知矇瞍方奏其事也。

釋文：眸子，珠子也。

孔疏：有眸子而無見曰矇，即今之青盲者也。矇有眸子，則矇當無故曰無眸子曰瞍。

大全華谷嚴氏曰：申言鍾鼓磬筦之樂，詠歎不能已，樂之更端曰奏。故九成謂之九奏，方言奏其事，樂之不厭之詞也。

靈臺四章，二章章六句，二章章四句。

東萊呂氏曰：前二章，樂文王有臺池島獸之樂也。後二章，樂文王有鍾鼓之樂也。皆述民樂之詞也。

疏義靈臺辟雍本不同處在靈臺則有靈臺之樂在辟雍則有辟雍之樂與民同樂隨處皆然故民樂之而詩人得以述之也

大全華谷嚴氏曰文王始作靈臺民樂成之其游於園沼也又樂其有鳥獸魚鼈其作樂於辟雍也又樂其有鐘鼓之音所謂文王鼓樂於此欣欣然有喜色也言之不能盡而嗟歎之不能已則民之愛戴者深矣○定宇陳氏曰靈臺一詩辟雍之教寓焉臺池鳥獸鐘鼓之樂樂之形也其樂也外辟雍教化道義之樂樂之本也其樂也內民樂其

樂蓋至此矣。○璽城朱氏曰：前二章言靈臺之游觀，後二章言辟雍之教育。游觀而必言其物之盛者，以見蕃育長養之有其素也；教育而必言其樂之和者，以見鼓舞作興之有其術也。然則臺池鳥獸之樂，故與百姓共之，而鍾鼓之樂，殆將與賢者共之也。

下武維周，世有哲王。三后在天，王配于京。

賦也。下義未詳，或曰：字當作文。言文王、武王實造周也。哲王，通言大王、王季也。三后，大王、王季、文王也。在天，既沒而其精神上與天合也。王武王也。配對也。謂繼其位以對三后也。京，鎬京也。

○此章美武王○能繼大王王季文王之緒而有天下也○
大全豐城朱氏曰○聖人興王之業○非先后固無以基之於前○而
先后在天之神○非聖人無以配之於下○蓋一代興王之業○必世
德之相承○有以基之於其始○而後聖德之受命○有以成之於其
終也○周之王業○自文王而始○著自武王而始○成是文王○武王實
造周矣○然推原其始○則文王之前○固有王季也○王季之前○又有
大王也○謂王業之所基○不在於是而可乎○夫惟大王王季文王
既沒○而其精神上與天合也○是以武王繼之○實能配彼在天之
靈於錫京馬○則武王之繼三后○謂非王業之所成而可乎○詩人

於此原其始而歸美於三后○要其終而歸功於武王○則夫任繼述之責者其必知所法矣○

麟按集傳○京亦叶居良及古義陽韻○兩句一連○通解云在天句起下不帶上是

①王配于京○世德作求○永言配命○成王之孚○

賦也○言武王能繼先王之德○而長言合於天理○故能成王者之信於天下也○若暫合而遽離○暫得而遽失○則不足以成其信矣○蘇傳作起也○起而求其先世之德以繼之也○嚴緝箋曰孚信也○

六帖即夫子所謂身不失天下之顯名。孟子所謂天下信之。說通世德作求。配京之實也。作求之不止。便是永言配命。此即成孚之本。

麟按集傳孚。叶孚尤反。古義芳尤翻。尤韻亦兩句一連說。○律詩說云。能使天下皆信之。然後為王者之信。

○成王之孚。下土之式。永言孝思。孝思維則。

賦也。式則皆法也。○言武王所以能成王者之信。而為四方之法者。以其長言孝思而不忘。是以其孝可為法耳。若有恃而忘之。則其孝者偽耳。何足法哉。

呂記王氏曰。王身成矣。則下土以為式。武王作求。至於成王之
乎。下土之式。則亦惟先人之故。繼其志述其事故也。故曰永言
孝思。李氏曰。下土之所以為式者。以武王之孝。而民則之故
也。

大全安成劉氏曰。武王之孝。可為天下之法。此所以為達孝。所
謂德教加於百姓。刑於四海。此天子之孝是也。

○ 婦孺一人。應侯順德。永言孝思。昭我嗣服。
賦也。媚愛也。一人謂武王。應如王應侯志之應。侯維服事也。
言天下之人。皆愛戴武王。以為天子。而所以應之。雖以順德是。

○武王能長言孝思而明哉其嗣先王之事也。

蘇傳人思所以媚之者維順其德以應之然則武王之孝能嗣其先王之事者豈不明哉。

嚴綽李氏曰順德者孝也。○天下媚愛於武王而應之以順德。○所謂天下化之也。孝者德之順故又言武王永有孝思昭昭然能嗣其先世之事也。

疏義自二章至此反覆其詞又以首章之意詳言之。恭美其美於繼述而得天下之心也。順德者民之順德也。上以孝思感乎下下以順德應乎上。感應以類。於此見之。○此時見武王之孝。

下篇通追來孝見文王之孝二聖人事業非得已也以卒前人
之功耳

通解此章與前二章俱是一意但前二章自武王身上說及天
下去此則自天下說歸文王身上來雖其語勢不同而其意則
未始有異故朱子嘗謂生民是序事詩序那首尾要盡下武有
聲等詩却有反覆咏歌意思蓋以此耳

麟按集傳服亦叶蒲北反

○昭茲來許繩其祖武於萬斯年受天之祜
賦也昭茲承上句而言茲哉聲相近古蓋通用也來後世也許

猶所也。繩繼武迹也。言武王之道昭明如此。末世能繼其迹。則久荷天祿而不替矣。

疏義。此下二章又言武王之道。足以福後世者如此。後王之孝思如武王。則無不受福矣。

講意。此與下章俱重武王身上說。萬年言其久。非壽也。

六帖。此章見創守一道。下章見天人一理。

○受天之祐。四方來賀。於萬斯年。不遐有佐。

賦也。賀。朝賀也。周未秦強。天子致胙。諸侯皆賀。遐。何通。佐。助也。蓋曰。豈不有助乎云爾。

大全周未云云。安成劉氏曰。事見周顯王二十六年。此借引之。
故朱子初解。此下有曰。其事則猶此也。但秦以力。周以德耳。
慶源輔氏曰。豈不有助乎者。言天下皆來朝賀於周。則豈不有
助乎周家也哉。

古義受天之祐。語。上章當主後日子孫言。四方來賀。所謂四
海之內。悉主悉臣。莫敢不來享。莫敢不來王也。

下武六章章四句

或疑此詩有成王字。當為康王以後之詩。然考尋文意。恐
當只如舊說。且其文體。亦與上下篇血脉通貫。非有誤也。

文王有聲。通駿有聲。通求厥寧。通觀厥成。文王烝哉。

賦也。通義未詳。疑與聿同。發語詞駿。大烝君也。○此詩言文王
遷豐。武王遷鎬之事。而首章推本之曰。文王之有聲也。甚大乎
其有聲也。蓋以求天下之安寧。而觀其成功耳。文王之德如是。
信乎其克君也哉。

鄭箋。聲令聞也。

疏義。聲聞也。與赫赫厥聲同。○此章已包下三章之意。求厥寧。

觀厥成。皆指作豐之事而言也。

通解。但此亦沈說。故曰推本。

六帖烝字此章本叶寧成次章以後因用不叶如騶虞之例
古義聲聲寧成庚韻每章各用烝哉一句結不用韻亦變體
麟按六帖所說古韻古義所說今韻也俱通然騶虞落句則集
傳本亦自叶

○文王受命有此武功既伐于崇作邑于豐文王烝哉
賦也伐崇事見皇矣篇作邑徙都也豐即崇國之地在今鄆縣
杜陵西南

疏義首章言有聲此章言有武功四章言王公伊濯一物也言
之有不同耳

○築城伊、洑、作、壘、伊、匹、匪、徠、其、欲、適、追、來、孝、王、后、烝、哉、
賦、也、洑、城、溝、也、方、十、里、為、成、成、間、有、溝、深、廣、各、八、尺、匹、稱、輶、也、
也、王、后、亦、指、文、王、也、○言、文、王、營、壘、邑、之、城、因、舊、溝、為、限、而、築、
之、其、作、邑、居、亦、稱、其、城、而、不、侈、大、皆、非、急、成、已、之、所、欲、也、特、遵、
先、人、之、志、而、來、致、其、孝、耳、
大、全、慶、源、輔、氏、曰、王、王、也、追、稱、也、后、君、也、本、稱、也、○着、山、蘇、氏、
曰、克、崇、作、壘、而、王、業、成、故、以、王、后、稱、之、○定、宇、陳、氏、曰、上、章、言、
作、壘、受、命、於、天、此、章、言、作、壘、追、孝、於、前、以、見、作、壘、乃、天、與、前、人、
之、心、也、○華、谷、嚴、氏、曰、此、明、作、壘、之、心、也、

麟按洫與洑異。城溝與成溝異。改洫為洑。自毛鄭以下。全韓詩
陸德明。予由坦升並同。改。成為城。則疑朱子所創。嗣宗辭而闕
之。是也。然今亦姑且從俗。集傳孝許六反。與欲叶。○洫。韓詩云
洫也。說文。成間洫也。洑。疾流也。字彙同。洪武正韻。洑。洫。互解。如
毛鄭說。

○王公伊濯。維豐之垣。四方攸同。王后維翰。王后烝哉。
賦也。公功也。濯。著明也。○王之功。所以著明者。以其能築此豐
之垣。故爾。四方於是來歸。而以文王為楨幹也。
疏義。載。黎。伐。宋。文王之用兵。不一矣。而伐宋。則其功之最著者。

也。四方攸同，有所歸也。三后維翰，有所附也。至此而三分有二矣。

麟按集傳：翰，叶胡田反。以上言文王遷豐之事。

○豐水東注，維禹之績。四方攸同，皇王維辟。皇王烝哉。

賦也。豐水東北流，徑豐邑之東，入渭而注於河，績功也。皇王有

天下之號，指武王也。辟，君也。言豐水東注，由禹之功，故四方

得以來同於此，而以武王為君。此武王未作鎬京時也。

鄭箋：變王后言大王者，武王之事又益大。

嚴緝：一統天下，其事又大也。

通解言此者。以為下文遷錫張本。

○錫京辟廱。自西自東。自南自北。無思不服。聖王烝哉。

賦也。錫京。武王所營也。在豐水東。去豐水二十五里。張子曰。周家自后稷居郃。公劉居豳。大王邑岐。而大王則遷於豐。至武王又居於錫。當是時。民之歸者日衆。其地有不能容。不得不遷也。○辟廱。說見前篇。張子曰。靈臺辟廱。文王之學也。錫京辟廱。武王之學也。至此始為天子之學矣。無思不服。心服也。孟子曰。天下不心服而王者。未之有也。○此言武王徙居錫京。講學行禮。而天下自服也。

大全盧陵彭氏曰。建國君民。教學為先。故遷鎬而成辟雍。劉氏曰。邠鎬而先建學。首善之地。教化之源也。通解此章本重遷鎬上。須以鎬京二字提起。辟雍乃遷居中第一件大事。故特言之。

麟按詩之不可以兩句一連。依韻轉折者。惟此等。然坦叔云。四方先言西。鎬京在西。近者先被其化也。古義左傳周景王曰。我自夏以后。纓。魏郃。芮岐畢。吾西土也。及武王克商。蒲姑商奄。吾東土也。巴濮楚鄧。吾南土也。肅慎燕亳。吾北土也。其數四方之次第。正與此同。周自西土興。近者先被其化。其後乃漸及於東。

故曰自西自東。周自文王。化已南行於江漢。其後乃漸及於北。故曰自南自北。皆對舉之辭。亦立言之序也。則亦可想像因緣為說。

○考卜維王。宅是鎬京。維龜正之。武王成之。武王烝哉。賦也。考稽宅居正決也。成之作邑居也。張子曰。此舉謚者。追述其事之言也。

嚴緝言稽考之於龜卜者。武王也。其所卜為欲居此鎬京也。以吉凶取正於龜。而龜出其吉兆以正定之也。龜兆告吉。而武王作都。以居之。是成其吉兆也。武王誠得人君之道也。

大全安成劉氏曰。此詩五章六章。先稱武王為皇王。至此章以後。乃舉武王之謚。故朱子引橫渠說。明此詩為追述武王之事。以證其後所論鄭謚之誤爾。○豐城朱氏曰。武王之遷鎬。非以徇一己之私也。必考之於卜。以定其宅焉。惟龜為能致其決。惟武王為能成其事。

通解。此是鎬京辟廋初頭事。前四句須一氣說。麟按集傳。京亦居良反。與王叶。正諸盈反。與成叶。

○豐水有芑。武王不仕。詒厥孫謀。以燕翼子。武王燕哉。興也。芑。草名。仕。事。詒。遺。燕。安。翼。致也。子。成王也。○鎬京猶在豐

水下流故取以起興言豐水猶有芑武王豈無所事乎諒厥孫
謀以燕翼子則武王之事也謀及其孫則子可以無事矣或曰
賦也言豐水之旁生物繁茂武王豈不欲有事於此哉但以欲
遺孫謀以安翼子故不得不遷耳

疏義此用人物各有所事為興而有字與豈不字反相呼也○
以燕翼子謂以安其能敬之子○遷都定國所以裕後昆也漢
武帝嘗謂吾當其勞以達遺汝語意蓋如此
大全孔氏曰豐水猶以潤澤生芑菜况武王豈不以澤及後人
為事乎○慶源輔氏曰此章兩說雖不同然以遺孫謀安翼子

為武王之事則同也。第二節疏覺輕快。然首句著箇豈求有芭一句。畢竟似興體。

麟按以上言武王遷鎬之事。

文王有聲八章章五句。

此詩以武功稱文王。至於武王則言皇王維辟無思不服而已。蓋文王既造其始。則武王續而終之。無難也。又以見文王之文。非不足於武。而武王之有天下。非以力取之也。大全虞源輔氏曰。每章皆言烝哉以結之者。不獨以見其歎美無已之意。又以示後世子孫。使之知其必如文王武

王之為。然後於君天下為宜也。故其丁寧不一而足耳。
大王之什十篇。六十六章。四百一十四句。

鄭譜。此以上為文武時詩。以下為成王周公時詩。今按
文王首句。即云文王在上。則非文王之詩矣。又曰無念
爾祖。則非武王之詩矣。大明有聲。并言文武者。非一安
得為文武之時所作乎。蓋正雅皆成王周公以後之詩。
但此什皆為追述文武之德。故譜因此而誤耳。